

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
VLADA**

Broj: 02-01-9700-1/15.
Zenica, 06.05.2015. godine

Z A P I S N I K
sa 8. sjednice Vlade Zeničko-dobojskog kantona održane 29.04.2015. godine

Sjednica je održana u sali 109, prvi sprat u zgradi Kantona, dana 29.04.2015. godine u trajanju od 07⁴⁶ do 9⁰⁵ sati.

Sjednicom je predsjedavao Miralem Galijašević, premijer Zeničko-dobojskog kantona.

Sjednici su prisustvovali članovi Vlade:

1. Himzo Smajić, ministar Ministarstva za poljoprivredu, šumarstvo i vodoprivredu,
2. Mirnes Bašić, ministar Ministarstva za pravosuđe i upravu,
3. Nurđehan Šahinović, ministar Ministarstva za rad, socijalnu politiku i izbjeglice,
4. Fahrudin Čolaković, ministar Ministarstva za boračka pitanja,
5. Hajrudin Žilić, ministar Ministarstva unutrašnjih poslova,
6. Mensur Sinanović, ministar Ministarstva za obrazovanje, nauku, kulturu i sport,
7. Zvonimir Anđelić, ministar Ministarstva za privredu,
8. Andrej Kajić, ministar Ministarstva finansija,
9. Goran Bulajić, ministar Ministarstva za prostorno uređenje, promet i komunikacije i zaštitu okoline,

kao i:

1. Berjana Ačkar, sekretar Vlade,
2. Mirsad Kadić, sekretar Sekretarijata za zakonodavstvo,
3. Alma Hrnjić, zapisničar.

Opravdano odsutan:

1. Bojan Gvozdenović, ministar Ministarstva zdravstva (sjednici prisustvovao Hajrudin Hedžić, sekretar ministarstva).

U svojstvu izvjestioca sjednici je prisustvovao:

1. Senad Husejnagić, direktor Zavoda za javno zdravstvo Zeničko-dobojskog kantona.

Premijer je stavio na diskusiju predloženi

D N E V N I R E D :

1. Verifikacija zapisnika sa 6. sjednice Vlade Zeničko-dobojskog kantona, održane dana 16.04.2015. godine;

2. Program provođenja proljetne faze obavezne preventivne sistematske deratizacije, dezinsekcije i dezinfekcije na području Zeničko-dobojskog kantona za 2015.godinu, sa Prijedlogom Zaključka o usvajanju;
3. Prijedlog Odluke o odobravanju sredstava za provođenje obavezne preventivne sistematske deratizacije, dezinsekcije i dezinfekcije na području Zeničko-dobojskog kantona za 2015. godinu - proljetna faza;
4. Prijedlog Odluke o izmjeni Odluke o načinu isplate odobrenih sredstava za pomoć u saniranju dijela direktnih šteta usljed prirodne nesreće kod poslovnih subjekata sa područja Zeničko-dobojskog kantona za 2014. godinu;
5. Prijedlog Odluke o uvećanju sredstava u Budžetu za budžetskog korisnika iz nadležnosti Ministarstva za obrazovanje, nauku, kulturu i sport – JU Univerzitet u Zenici, uplaćena od strane donatora Njemačke agencije za akademsku razmjenu (DAAD);
6. Prijedlog Odluke o uvećanju sredstava u Budžetu za budžetskog korisnika iz nadležnosti Ministarstva za obrazovanje, nauku, kulturu i sport – Gimnazija „Visoko“ Visoko, uplaćena od strane donatora BH Pošta d.o.o. Sarajevo;
7. Prijedlog Zaključka o davanju saglasnosti JU OŠ „Gostović“, u Zavidovićima za organizovanjem i osiguranjem privremenog dodatnog prijevoza za učenike;
8. Prijedlog Zaključka o zaduženju Ministarstva za obrazovanje, nauku, kulturu i sport vezano za reviziju prijevoznčkih relacija i sačinjavanje Informacije sa prijedlogom mjera za poboljšanje prijevoza učenika;
9. Informacija o naknadi troškova liječenja i nabavke lijekova za potrebe branilaca i članova njihovih porodica u 2014. godini;
10. Rješenje o razrješenju državnog službenika – Sekretar Vlade;
11. Rješenje o razrješenju državnog službenika – Sekretar Sekretarijata za zakonodavstvo;
12. Rješenje o postavljenju državnog službenika – Sekretar Vlade;
13. Rješenje o postavljenju državnog službenika – Sekretar Sekretarijata za zakonodavstvo;
14. Zaključak o zaduženjima kod pripreme i dostave materijala za sjednicu Vlade;

Članovi Vlade saglasili su se sa predloženim dnevnim redom, te je za sjednicu jednoglasno usvojen isti.

Uvodno izlaganje vezano za prisustvo sjednicama Vlade Zeničko-dobojskog kantona, dao je Premijer Zeničko-dobojskog kantona.

Prva tačka dnevnog reda

Vlada je jednoglasno verificirala Zapisnik sa 6. sjednice Vlade Zeničko-dobojskog kantona, održane dana 16.04.2015. godine.

Druga tačka dnevnog reda

Obrazloženje za ovu tačku dnevnog reda dao je Senad Husejnagić, direktor Zavoda za javno zdravstvo Zeničko-dobojskog kantona.

U diskusiji su učestvovali: ministar Ministarstva za prostorno uređenje, promet i komunikacije i zaštitu okoline, Premijer Zeničko-dobojskog kantona, ministar Ministarstva za obrazovanje, nauku, kulturu i sport, ministar Ministarstva unutrašnjih poslova i sekretar Vlade.

Vlada je jednoglasno donijela Zaključak o usvajanju Programa provođenja proljetne faze obavezne preventivne sistematske deratizacije, dezinsekcije i dezinfekcije na području Zeničko-dobojskog kantona u 2015. godini.

Usvaja se Program provođenja proljetne faze obavezne preventivne sistematske deratizacije, dezinsekcije i dezinfekcije na području Zeničko-dobojskog kantona u 2015. godini.

Nalaže se Zavodu za javno zdravstvo Zeničko-dobojskog kantona da Program iz tačke I. ovog zaključka realizuje u skladu sa naredbom Ministarstva zdravstva.

Zadužuju se Ministarstvo zdravstva i Zavod za javno zdravstvo Zeničko-dobojskog kantona, da u skladu sa zakonom i podzakonskim aktima realizuju ovaj zaključak, svako u okviru svoje nadležnosti. Zaključak stupa na snagu danom donošenja.

Treća tačka dnevnog reda

Obrazloženje za ovu tačku dnevnog reda dao je Miralem Galijašević, premijer Zeničko-dobojskog kantona.

Vlada je jednoglasno donijela Odluku o odobravanju sredstava za provođenje preventivne sistematske deratizacije, dezinfekcije i dezinfekcije na području Zeničko-dobojskog kantona u proljetnoj fazi 2015. godine

Odobravaju se finansijska sredstva u iznosu od 45.000,00 KM (slovima: četrdesetpet hiljada konvertibilnih maraka) za provođenje poslova preventivne sistematske deratizacije, dezinfekcije i dezinfekcije u proljetnoj fazi 2015. godine objekata i površina kojim upravlja Zeničko-dobojski kanton.

Sredstva iz člana 1. ove Odluke isplatit će se iz Budžeta Zeničko-dobojskog kantona za 2015. godinu, razdjel 21, budžetska organizacija 01, potrošačka jedinica 0001-Ministarstvo zdravstva, ekonomski kod 614300, subanalitika LAX002-Tekući transfer za deratizaciju.

Organizovanje i provođenje poslova iz člana 1. ove Odluke će obaviti Zavod za javno zdravstvo Zeničko-dobojskog kantona u skladu sa Programom provođenja proljetne faze obavezne preventivne sistematske deratizacije, dezinfekcije i dezinfekcije na području Zeničko-dobojskog kantona u 2015. godini.

Izvještaj Zavoda za javno zdravstvo Zeničko-dobojskog kantona o obavljenoj proljetnoj deratizaciji, dezinfekciji i dezinfekciji u 2015. godini razmatrat će se na sjednici Vlade Zeničko-dobojskog kantona, a usvajanje istog će biti osnov za transferisanje odobrenih sredstava.

Za realizaciju ove Odluke zadužuju se Ministarstvo zdravstva i Ministarstvo finansija, svako u okviru svojih nadležnosti.

Četvrta tačka dnevnog reda

Obrazloženje za ovu tačku dnevnog reda dao je Zvonimir Anđelić, ministar Ministarstva za privredu.

Vlada je jednoglasno donijela Odluku o izmjeni Odluke o načinu isplate odobrenih sredstava za pomoć u saniranju dijela direktnih šteta usljed prirodne nesreće kod poslovnih subjekata sa područja Zeničko-dobojskog kantona.

U Spisku poslovnih subjekata po općinama Zeničko-dobojskog kantona – Poslovni subjekti kojima je odobrena pomoć općina Maglaj, a koji je u skladu sa članom 2. stav (2) Odluke o načinu isplate odobrenih sredstava za pomoć u saniranju dijela direktnih šteta usljed prirodne nesreće kod poslovnih subjekata sa područja Zeničko-dobojskog kantona, broj: 02-14-23879/14 od 04.12.2014. godine, sastavni dio ove Odluke, pod rednim brojem 74. TR „INEA“ vl. Mašić Nermina, Trg Alije Izetbegovića bb, MAGLAJ, u koloni “Uvjerenje banke”, riječi: “199-462-60300884-06 Sparkasse Bank” zamjenjuju se riječima: “1011450057558068 Privredna banka Sarajevo d.d. – Filijala Maglaj”.

Ova Odluka stupa na snagu danom donošenja i objavit će se u “Službenim novinama Zeničko-dobojskog kantona”.

Peta tačka dnevnog reda

Uvodno izlaganje vezano za stavke-pozicije u Budžetu dao je Premijer Zeničko-dobojskog kantona.

Obrazloženje za ovu tačku dnevnog reda dao je Mensur Sinanović, ministar Ministarstva za obrazovanje, nauku, kulturu i sport.

Vlada je jednoglasno donijela Odluku o uvećanju sredstava u Budžetu Zeničko-dobojskog kantona za 2015. godinu

(1) Odobrava se uvećanje sredstava u Budžetu Zeničko-dobojskog kantona za 2015. godinu („Službene novine Zeničko-dobojskog kantona“, broj: 02/15) za budžetskog korisnika iz nadležnosti Ministarstva za obrazovanje, nauku, kulturu i sport – JU Univerzitet u Zenici.

(2) Uvećanje sredstava u Budžetu Zeničko-dobojskog kantona za 2015.godinu, vrši se na slijedeći način:

- a) na razdjelu 22, budžetska organizacija 04, potrošačka jedinica 0010 – JU Univerzitet u Zenici, sredstva na poziciji 613100 – Putni troškovi, Plan izdaci iz donacija 2015. godina, uvećavaju se za 5.746,68 KM,
- b) na razdjelu 22, budžetska organizacija 04, potrošačka jedinica 0010 – JU Univerzitet u Zenici, sredstva na poziciji 613800 – Izdaci osiguranja, bankarskih usluga i usluga platnog prometa, Plan izdaci iz donacija 2015. godina, uvećavaju se za 40,00 KM,
- c) na razdjelu 22, budžetska organizacija 04, potrošačka jedinica 0010 – JU Univerzitet u Zenici, sredstva na poziciji 613900 (MDC-902) – Ugovorene i druge posebne usluge, Plan izdaci iz donacija 2015. godina, uvećavaju se za 8.295,30 KM,
- d) u Budžetu Zeničko-dobojskog kantona za 2015. godinu u dijelu A. PRIHODI u koloni Plan 2015. godina, sredstva na poziciji 733122 – Primljene donacije od stranih pravnih lica, uvećavaju se za 14.081,98 KM.

(1) Uplaćena sredstva od strane donatora Njemačke agencije za akademsku razmjenu (DAAD) utrošit će se u skladu sa finansijskim planom i projektom budžeta za projekat: „Studijsko putovanje studenata OJ Politehnički fakultet u Hamburg i Rursku oblast, Njemačka“.

(2) JU Univerzitet u Zenici je dužan sačiniti izvještaj o namjenskom utrošku sredstava i isti dostaviti resornom Ministarstvu najkasnije 7 (sedam) dana nakon utroška sredstava.

Za realizaciju ove Odluke zadužuju se Ministarstvo za obrazovanje, nauku, kulturu i sport, JU Univerzitet u Zenici i Ministarstvo finansija, svako u okviru svojih nadležnosti.

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Šesta tačka dnevnog reda

Obrazloženje za ovu tačku dnevnog reda dao je Mensur Sinanović, ministar Ministarstva za obrazovanje, nauku, kulturu i sport.

Vlada je jednoglasno donijela Odluku o uvećanju sredstava u Budžetu Zeničko-dobojskog kantona za 2015. godinu

(1) Odobrava se uvećanje sredstava u Budžetu Zeničko-dobojskog kantona za 2015. godinu („Službene novine Zeničko-dobojskog kantona“, broj: 02/15) za budžetskog korisnika iz nadležnosti Ministarstva za obrazovanje, nauku, kulturu i sport – Gimnazija „Visoko“ Visoko.

(2) Uvećanje sredstava u Budžetu Zeničko-dobojskog kantona za 2015.godinu, vrši se na slijedeći način:

- e) na razdjelu 22, budžetska organizacija 03, potrošačka jedinica 0013 – Gimnazija „Visoko“ Visoko, sredstva na poziciji 821300 – Nabavka opreme, Plan izdaci iz donacija 2015. godina, uvećavaju se za 2.500,00 KM,
- f) u Budžetu Zeničko-dobojskog kantona za 2015. godinu u dijelu A. PRIHODI u koloni Plan 2015. godina, sredstva na poziciji 722751 – Primljene namjenske donacije neplanirane u budžetu, uvećavaju se za 2.500,00 KM.

(1) Uplaćena sredstva od strane donatora BH Pošta d.o.o. Sarajevo u iznosu 2.500,00 KM, Gimnazija „Visoko“ Visoko će utrošiti za realizaciju Projekta „Opremanje sale za multimedijalne prezentacije“.

(2) Gimnazija „Visoko“ Visoko je dužna sačiniti izvještaj o namjenskom utrošku sredstava i isti dostaviti resornom Ministarstvu najkasnije 7 (sedam) dana nakon utroška sredstava.

Za realizaciju ove Odluke zadužuju se Ministarstvo za obrazovanje, nauku, kulturu i sport, Gimnazija „Visoko“ Visoko i Ministarstvo finansija, svako u okviru svojih nadležnosti.

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Sedma tačka dnevnog reda

Obrazloženje za ovu tačku dnevnog reda dao je Mensur Sinanović, ministar Ministarstva za obrazovanje, nauku, kulturu i sport.

U diskusiji je učestvovao Premijer Zeničko-dobojskog kantona.

Vlada je jednoglasno donijela Zaključak kojim se daje saglasnost menadžmentu JU OŠ „Gostović“, u Zavidovićima, za organizovanjem i osiguranjem privremenog dodatnog prijevoza do završetka trajanja izečene privremene zabrane saobraćaja za sva vozila i pješake u oba smjera na dijelu nekategorisane ceste „Lijevča-Borovnica“, za 80 učenika na relaciji „Lijevča-Gostović (škola)“, kao i organizovanjem i osiguranjem trajnog prijevoza za 25 učenika na relaciji „Kučice-Gostović (škola)“, a čije je mjesto stanovanja na udaljenosti manjoj od (5) ili više km u jednom pravcu.

Za realizaciju ovog zaključka zadužuju se menadžment JU OŠ „Gostović“ u Zavidovićima, Ministarstvo za obrazovanje, nauku, kulturu i sport i Ministarstvo finansija, svako u okvirima svoje nadležnosti. Zaključak stupa na snagu danom donošenja.

Osma tačka dnevnog reda

Uvodno izlaganje vezano za dostavu Informacije dao je Miralem Galijašević, Premijer Zeničko-dobojskog kantona.

Obrazloženje za ovu tačku dnevnog reda dao je Mensur Sinanović, ministar Ministarstva za obrazovanje, nauku, kulturu i sport.

U diskusiji su učesvovali: ministar Ministarstva za rad, socijalnu politiku i izbjeglice, Premijer Zeničko-dobojskog kantona, ministar Ministarstva za prostorno uređenje, promet i komunikacije i zaštitu okoline, ministar Ministarstva finansija, ministar Ministarstva za pravosuđe i upravu, sekretar Vlade i sekretar Sekretarijata za zakonodavstvo.

Vlada je jednoglasno donijela Zaključak kojim se Prijedlog Zaključka o zaduženju vezano za reviziju prijevoznih relacija i sačinjavanje Informacije sa prijedlogom mjera za poboljšanje prijevoza učenika Ministarstva za obrazovanje, nauku, kulturu i sport Zeničko-dobojskog kantona kao obrađivača, vraća se na doradu. Zaključak stupa na snagu danom donošenja.

Deveta tačka dnevnog reda

Obrazloženje za ovu tačku dnevnog reda dao je Fahrudin Čolaković, ministar Ministarstva za boračka pitanja.

U diskusiji je učestvovao ministar Ministarstva za rad, socijalnu politiku i izbjeglice *vezano za dostavu spiska korisnika.*

Vlada je jednoglasno donijela Zaključak kojim se prihvata Informacija o naknadi troškova liječenja i nabavke lijekova za potrebe branilaca i članova njihovih porodica u 2014. godini, Ministarstva za boračka pitanja, kao obrađivača. Zaključak stupa na snagu danom donošenja.

Deseta tačka dnevnog reda

Uvodno izlaganje i obrazloženje dao je Miralem Galijašević, Premijer Zeničko-dobojskog kantona.

Vlada je jednoglasno donijela Rješenje o razrješenju rukovodećeg državnog službenika. Berjana Ačkar, razrješava se dužnosti radnog mjesta “Sekretar Vlade Zeničko-dobojskog kantona”, sa danom donošenja rješenja, radi prelaska na drugu dužnost.

11. tačka dnevnog reda

Vlada je jednoglasno donijela Rješenje o razrješenju rukovodećeg državnog službenika. Mirsad Kadić razrješava se dužnosti radnog mjesta “Sekretar Sekretarijata za zakonodavstvo Vlade Zeničko-dobojskog kantona”, radi prelaska na drugu dužnost.

12 tačka dnevnog reda

Vlada je jednoglasno donijela Rješenje o postavljenju rukovodećeg državnog službenika. Mirsad Kadić, rukovodeći državni službenik, postavlja se na radno mjesto “Sekretar Vlade Zeničko-dobojskog kantona”.

13 tačka dnevnog reda

Vlada je jednoglasno donijela Rješenje o postavljenju rukovodećeg državnog službenika. Berjana Ačkar, rukovodeći državni službenik, postavlja se na radno mjesto “Sekretar Sekretarijata za zakonodavstvo Vlade Zeničko-dobojskog kantona”.

14 tačka dnevnog reda

Obrazloženje za ovu tačku dnevnog reda dala je Berjana Ačkar, sekretar Vlade.

Vlada je jednoglasno donijela Zaključak kojim se obavezuju sekretari organa državne službe da izvršavajući zadatke predviđene opisom radnog mjesta, a koji su od značaja za unutrašnju organizaciju i rad organa državne službe, koordiniraju radom odjeljenja-sektora, te kod pripreme i dostave materijala za sjednicu Vlade osiguraju da materijali budu:

- sačinjeni u skladu sa odredbama čl. 27. -34. Poslovnika o radu Vlade Zeničko-dobojskog kantona („Službene novine Zeničko-dobojskog kantona“ broj 5/11),
- Jedinstvenim pravilima za izradu pravnih propisa Zeničko-dobojskog kantona („Službene novine Zeničko-dobojskog kantona“ broj 5/08),
- Dostavljeni u dva primjerka u pisanoj formi (za premijera i sekretara Vlade), uz obavezno dostavljanje i elektronskog zapisa materijala u PDF i Word formatu i u roku utvrđenom u čl. 19. stav 2 citiranog Poslovnika.

Pored obaveza iz tačke I ovog zaključka, sekretari organa državne službi su dužni obezbijediti da svaki dostavljeni materijal (prijedlog akta, obrazloženje i popratni akt) bude potpisan od strane:

- državnog službenika – neposrednog izvršioca,
- rukovodećeg državnog službenika – pomoćnika, koji rukovodi osnovnom organizacionom jedinicom u čijoj nadležnosti je predloženi akt,
- sekretara organa državne službe,
- ministra, odnosno rukovodioca organa državne uprave, čijim potpisima se jamči zakonitost i izvršenje poslova iz djelokruga organa državne službi, koji Vladi predlažu donošenje akata iz člana 44. Poslovnika o radu Vlade, te da
- svaka strana dostavljenih materijala bude numerisana i parafirana. Zaključak stupa na snagu danom donošenja.

Premijer je sjednicu zaključio u 09⁰⁵ sati.

SEKRETAR VLADE

Berjana Ačkar

PREMIJER

Miralem Galijašević

ZAPISNIČAR

Alma Hrnjić